

Ukamotima të ã kohipi makui yama të xaariprai heyatioma matohi pëha napë pë rë kōpramouwei. thi yama të kãi tama. Dinheiro a pataowei yama a kōkapramai. Ai matematika të rapeowei yama të kãi xaariprrema. Napë pëni problema të wãha rë hiraiwehei. thi yama të kãi xaariprrema. Matematika të rape makui yama të xaaripraihe yatirayoma. Menosi të yai kohipi mahioma. No utupi yētēoweiha nomeru kama pë kuo pëha yama a xaari yētēmamo.

**Turio e të ã oni**

Kamiyëni ipa oni ya taprrema. Awei, kamiyëni Matematika ya tararema. thi tēhë të pë ukamamouwei të ha kamiyë yamaki kiyāai piyēokoma. Awei, ai tēha yamaki iriamou kōoma bingo tēha yama kãi iriamoma. Awei, kamiyë sitate ahami yamaki huu tēhë dinheiro aha yama puhi tao maopë. Kuwë yaro matematika tēha yamaki kiyāama. Awei, dinheiro aha yamaki kãi iriamoma. Matohi yama pë kãi rurama. Inaha të ã kutaoma.

**Rafael e të ã oni**

Kamiyë yamaki Posto Yanoha matematika aha yamaki esitutamoma. Weti naha yamaki kuaapë? Cidade ahami yamaki huu tēhë kamiyë yamaki no preai maopë. Maisi yama të onimama + ihi yama të onimama. thi tēha yamaki puhi moyamipë. Yamaki huu puhio tēhë dinheiro a matohi yama pë rurapë. Kamiyë yamakini dinheiro pë kuo tēhë matohi yama pë ruruai tēhë dinheiro pëni yama kei maopë. Kamiyë yamakini dinheiro yama pë hipëapë.

**Platão e të ã oni**

Awei, matematika tēha yamaki esitutamoma. Nomeru yama pë kãi kōkamama. Menosi tēha yamaki kãi esikoramoma. Kōkamamotima tēha yamaki kãi esikoramoma. Sitateha yamaki huu tēhë napë pëni wamareki miramai maopëhe? Yamaki puhi kuu yaro tatu pëha yamaki kãi kiyāama. Dinheiro ha wamareki miramai maopëhe? Ukamamotima tēha yamaki kãi kiyāama. Matohi yama a rurai tēhë yamaki puhi horimou maopë, yama të taprrema.

**Apolo e të ã oni**



Yanomami pëmakini ipa kahiki wã pëma të wã ha oniprarini pëma të wã kohipiapë!



Nomeru 11

## YANOMAMI YAMAKINI NOMERU YAMA PË ESITUTAMOUWEI TË ã ONI

Awei, Posto Yano hami professor Yanomami të pë hiraoma. Napë pë urhipi ha yamaki huu tēhë weti naha yama kuaapë? Inaha të pë puhi kuma yaro, ihi të pëni nomeru pë esitutamou puhio mahe. Nomeru wa pë tai mao tēhë weti naha kahëwani matohi wa pë rurapë? Napë pë warima tēhë, inaha professor Yanomami pë wã huoma: nomeru yama pë pou tēhë napë pëni wamareki miramai kōotaimi. Kuwë yaro professor Yanomami pëxo, microscopista pëxo, ihi pë pata kiyāama, Posto Yanohami.

Awei, Posto Yano hamë kami Yanomae yamaki esitutamu tēhë Matematica + thë oni ha yamaki esitutamoma. + kōkamatima thë ha yama thë pë oni kōkamama. Cidade hamë napë pë urhipë hamë Yanomae yamaki huu tēhë yamakini òho taci maopë. Kuë yaro +- hwei yama thë oni thama. – ukatima thë + kōkamatima thë hwei ihi thë ki pë oniha yamaki esitutamoma. Cidade hamë yami ya ki hu puhio tēhë dinheiro anë matihi yama pë xaari rurapë. Yamaki kōtamu mao tēhë napë pëni yamaki dinheiro pë thōmiri yarohe. Inaha thë kua yaro Kōtamuwi thëha kami Yanomae yamaki pree esitutamu puhio paxio. Inaha thë ã kutaoma.

**Joãozinho thë ã oni**

Awei. Hapa mahio tēhē Matematika ya tē wāha yamaki kiama. Matematika tē wāha yamaki yai pata kiama. Yamaki puhi riyā xaariprou yaro. Awei, hapēnaha ya puhi kuu yaro yamaki esitutamoma. Matematika yama tē ā oni pou mao tēhē yamaki hēoho taatyaro cidade hami yamaki huu tēhē yamaki no oho taai maopē, yamaki esikoramoma.

Hei + - wāha yamaki kái esikoramoma. - ukamotima tē wāha yamaki kái esikoramoma. Kōkamotima tē wāha yamaki esitutamou parioma. Cidade hami yamaki huu tēhē yāmi yamaki riyā matohi pē riyā ruruci yaro. Dinheiro yama a pou tēhē matohi yama pē hōria xaari koamai yaro yamaki esikoramoma. - tē wāha yamaki esikoramou mao tēhē napē pēni yamaki dinheiro pē tomireihe yaro. Kuē yaro ihi dinheiro a oni ha yamaki esikoramoma. Dinheiro a puhi kuweiha yamaki kái wapamoma. Dinheiro a yai ha yamaki kei maopē yamaki iriamoma.

Lena e tē ā oni



**Nomeru pēma pē kōkaprai puhio tēhē hei oni + pēma a pei xokiai.**

**Napē pēni hei oni rē kui + mais tē wāha hiraihe.**

**Kamiyē Yanomami pēmakiiha kōkamāiwei tē wāha oni kua.**

siko a kuo tēhē      treisi a payerikei ehē      oito a kuprario

$$5 + 3 = 8$$

**Nomeru pēma pē ukeai puhio tēhē hei oni - pēma a pei xokiai.**

**Napē pēni hei oni rē kui - menos tē wāha hiraihe.**

**Kamiyē Yanomami pēmakiiha hetuowei tē wāha oni kua.**

seisi a kuo tēhē      porakapi kipi ukerei tēhē      koaturu a xee hēprariyo

$$6 - 2 = 4$$

MERCA DORIA	PREÇO
Tercado pequeno	7 reais
Tercado Grande	10 reais
Rede de Garimpeiro	15 reais
Sabão	1 real
Faca	4 reais
Calção	3 reais
Caixa de migalhas	3 reais
Lanterna 2 elementos	12 reais
Saco de arroz	2 reais
Pilha Grande	1 real
Tesoura pequena	3 reais
Tabaco	1 real



Awei. Hapēnaha Posto Yano ha yamaki kuama. Matematika ha yamaki kiama. Ukamotima menos thē ha yamaki kiama. Dado yama pē kāe ha xēyēani nomeru yama pē uwēmama. Awei, nomeru yama a ha taarini napē pē hamē yamaki huu tēhē yamaki pihi hētēmou maopē. Nomeru yama thēni yai ha ihi pē arini dinheiro a oni xaarihewēowi yama thē ria uwēmai yaro. Napē pēni wamariki miramai maopēhe. Kuē yaro ihi thē oni ha yamaki yai pata kiama.

Matematika thē ā kohipē maki yama thē ā ha taarini. Ukamotima thē ā

kohipē maki yama thē ā ha taarini. Loja hami yamaki huu tēhē matihi yama a xaari tēapē.

Awei, kuē yaro ihi thē ā oni ha yamaki kiama Posto Yanoha.

Edson thē ā oni

Nomeru kōkamotima tē ha yamaki kiyaama. Hapa tato pēha yamaki kái iriamoma. Yama pē kōkaprai tēhē + maisi pēha ya yētēkamani. - menosi pē kuo pēha nomeru yama pē ha hoyani kama pē nohewēo pēha nomeru yama pē taama. Conta yama tē owēmai

parioma. Ihi tēhē yama tē kōkapramai. Napē pē urihipi hami yamaki huu tēhē wamareki miramai maopēhe. Papeo siki kohipihā dinheiro yama pē hiraama. Matohi yama pē hore kurama.

Ivan e tē ā oni

Matematika tēha yamaki esitutamoma. + tē wāha yamaki esitutamoma. Tato tēha yamaki kái iriamoma. Inaha yamaki kuaama. - menosi tēha yamaki kái esitutamoma. Kōkamotima tēha + yama tē pree tama. Nomeru kōkapraiwei tēha yamaki kái kiyaama. Wixaxinani dinheiro pē kái ha taprarini matohi pē ha prakini yama pē kái rurama wamare kē ki xarirama. Boa Vista hami wamaki huu tēhē weti naha kure dinheiro wama a hipēapē? Wamareki noa tama. Ihi yama tē xarirama. Kōtamotima ya xarirama. Napē pēni matohi pē no karu hewēpouwehei yama tē xarirama. Nomeru pēha yama tē xaririprai mao tēhē wamaki kerayou. Wixaxinani wamareki noa tama - menosi tē kohipi makui ya tē xarirama.

Zeca e tē ā oni

